

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i suradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj:03/1,03/11-05-1-271/13

Sarajevo: 17. 10. 2013.

I Z V J E Š T A J

**S JESENJEG ZASJEDANJA PARLAMENTARNE SKUPŠTINE OSCE-a,
BUDVA, 13.-15. OKTOBRA 2013. GODINE**

SARAJEVO, oktobar 2013. godine

Članovi Stalne delegacije Parlamentarne skupštine BiH: **Dragan Čović**, predsjedavajući/ zamjenik predsjedavajućeg Doma naroda, **Mirza Kušljugić** i **Lazar Prodanović**, poslanici u Predstavničkom domu, i sekretar Stalne delegacije **Jelena Rajaković** učestvovali su na Jesenjem zasjedanju Parlamentarne skupštine OSCE-a, održanom u Budvi od 13. do 15. 11. 2013.

Ovogodišnje jesenje zasjedanje Parlamentarne skupštine OSCE-a koje je okupilo predstavnike parlamenata 57 zemalja članica ove organizacije bilo je posvećeno ulozi OSCE-a u rješavanju transnacionalnih prijetnji, zaštiti ljudskih prava, suzbijanju terorizma te uticaju ekonomske krize na sigurnost. Početak zasjedanja bio je posvećen aktuelnim pitanjima na Mediteranu, u Egiptu, Libiji i Siriji. Istaknuto je da situacija na južnoj mediteranskoj obali i Bliskom istoku snažno utiče na sigurnost Mediterana i Evrope, te da su za historijsku transformaciju zemalja Mediterana neophodni podrška međunarodnih partnera, konkretne mjere i projekti kojima će se ojačati demokratske institucije, osigurati sloboda govora i izražavanja, ojačati civilno društvo i podstaći ekonomski rast. Pozdravljeno je jednoglasno usvajanje Rezolucije Vijeća sigurnosti UN-a br. 2118 i Odluke Izvršnog savjeta o uništavanju hemijskog oružja u Siriji, te istaknuto da je OSCE jedna od platformi za zajedničko djelovanje i pronalaženje odgovora na savremene izazove mediteranskog regiona.

Zaključeno je da Evropa kao najstarija demokratska zajednica na svijetu ima obavezu da podrži demokratske napore arapskog svijeta, te da je proširenje i jačanja demokratije na Mediteranu historijska šansa i jedan od najvećih izazova za OSCE.

Tokom zasjedanja parlamentarcima u PSOSCE-a obratili su se predsjednik PSOSCE-a i predsjednik Skupštine Crne Gore Ranko Krivokapić, premijer Crne Gore Milo Đukanović, ministar vanjskih poslova Crne Gore Igor Lukšić i predsjednik Parlamentarne skupštine Vijeća Evrope Žan Klod Minjon.

Helsinški akt iz 1975., kao kamen-temeljac ove organizacije, ima za cilj da smanji jaz i uspostavi povjerenje između Istoka i Zapada.

U nastavku zasjedanja razmatrani su efekti ekonomske krize na sigurnost u regionu OSCE-a te mogućnosti integriranja podijeljenih društava.

Članovi Stalne delegacije PSBiH u PSOSCE-a Dragan Čović, Mirza Kušljugić i Lazar Prodanović sastali su se tokom zasjedanja PSOSCE-a u Budvi s članovima delegacija parlamenata Crne Gore, Hrvatske i Srbije u PSOSCE-a.

Učesnici su se saglasili da je potrebno unaprijediti odnose ove četiri zemlje i podstaći razvoj uzajamno korisne saradnje u svim oblastima, te da intenzivna saradnja BiH, Crne Gore,

Hrvatske i Srbije u okviru OSCE-a može dati snažan impuls integracionim aktivnostima i reformskim procesima u regionu.

Istaknuto je da za nove izazove koji predstoje svakoj od zemalja treba iskoristiti zajedničke kapacitete našeg regiona. U okviru OSCE-a, to su trenutno predsjedavanje Parlamentarnom skupštinom OSCE-a Ranka Krivokapića, predsjednika Skupštine Crne Gore, zatim buduće predsjedavanje OSCE-om Republike Srbije, te članstvo Hrvatske u EU.

Ranko Krivokapić naveo je više zajedničkih interesa koje ove četiri zemlje imaju i koji se mogu promovirati u okviru OSCE-a, u čemu bi on kao predjedavajući Parlamenta te organizacije mogao dati veliki doprinos.

Članovi delegacije Srbije također su ponudili pomoć u provođenju zajedničkih inicijativa tokom naredne godine kada Srbija predsjedava OSCE-om. Oni su naveli i prednost iskustava u globalnoj diplomatiji koja je u bivšoj Jugoslaviji bila veoma razvijena, te istakli proevropske kapacitete ove četiri zemlje.

Delegacija Hrvatske ponudila je svaku vrstu pomoći na evropskom putu, ističući zvaničan stav Hrvatske da neće ničim uslovljavati evropsko integriranje susjednih zemalja.

Govoreći o ovakvom obliku saradnje, članovi delegacije Bosne i Hercegovine istakli su potrebu za uvrštavanjem iniciranih tema na ovakvim sastancima u dnevne redove sjednica nacionalnih parlamenata. Oni su predložili i organiziranje sastanka predsjednika parlamenata i šefova delegacija u PSOSCE-a ove četiri zemlje sa šefovima misija OSCE-a u Bosni i Hercegovini, Crnoj Gori i Srbiji.

Tokom razgovora iznesen je veliki broj prijedloga o mogućnostima rješavanja zajedničkih problema, ali i ostvarivanja zajedničkih interesa na međunarodnom planu.

Zaključeno je da se u narednih mjesec dana sastanu sekretari stalnih delegacija parlamenata zemalja članica OSCE-a, koji će pripremiti dokument kojim će se precizno utvrditi teme značajne za ove četiri zemlje, a koje će se dalje realizirati posredstvom OSCE-a, te da se konkretiziraju zadaci čijom bi se realizacijom omogućilo uključivanje većeg broja ljudi iz ovih zemalja u institucije OSCE-a, kao i da se ojača uticaj parlamentarnih delegacija u PSOSCE-a na misije OSCE-a u ovim zemljama

sekretar

Stalne delegacije PSBiH u PSOSCE-a

Jelena Rajaković

